



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU EVROPSKE EKOLOŠKE STRANKE E-5

Broj: 03-07-6- 442/11
Sarajevo, 21. oktobar 2011. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled finansijskih izvještaja Evropske ekološke stranke E-5 i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2010. godine.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i članom 15.10 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled kako bismo dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu finansijskih izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuje pouzdanost, koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Evropska ekološka stranka E-5 u izvještajnom periodu nije ispoštovala odredbe člana 8. stav (1) i člana 11. stav (1) Zakona o finansiranju političkih stranaka, jer je ostvarila zabranjen prilog i nije uspostavila tačne evidencije o svojim prihodima, rashodima i obavezama.

Na osnovu našeg pregleda, odnosno kontrole finansijskog izvještaja, osim gornje napomene nismo zapazili ništa značajno što bi ukazalo na druge nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled finansijskih izvještaja Evropske ekološke stranke E-5 i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2010. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Evropska ekološka stranka E-5 je ostvarila prihode u iznosu od 35.247,62 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	11.000,00	31,21%
3	Prilozi pravnih lica	12.294,97	34,88%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	11.952,65	33,91%
	Ukupni prihodi:	35.247,62	100,00%

U godišnjem finansijskom izvještaju Evropska ekološka stranka E-5 je iskazala ukupne rashode u iznosu od 27.808,74 KM.

2. PREDSTAVLJANJE POLITIČKE STRANKE

Naziv političke stranke: Evropska ekološka stranka E-5. Skraćeni naziv stranke je E-5.

Politička stranka je registrovana 15.04.2004. godine kod Kantonalnog suda u Sarajevu pod brojem R-I-3/04.

Sjedište političke stranke je u Sarajevu, ulica Titova 9A.

Za zastupanje Evropske ekološke stranke E-5 je ovlašten Nermin Vila, predsjednik stranke.

Osoba ovlaštena za podnošenje finansijskih izvještaja za 2010. godinu je Mirela Hamidović.

Organizacionu strukturu Evropske ekološke stranke E-5, prema podacima iz finansijskog izvještaja za 2010. godinu, čine:

- Centrala stranke i
- 16 općinskih odbora stranke.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Evropske ekološke stranke E-5 za 2010. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2010. godine.

Cilj pregleda i kontrole je da revizor na bazi finansijskog izvještaja pokuša ustanoviti da li je Evropska ekološka stranka E-5 u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama političke stranke, da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Evropske ekološke stranke E-5 obuhvata kontrolu i provođenje analitičkih procedura radi utvrđivanja usklađenosti podataka, koje je stranka iskazala u finansijskom izvještaju, sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i prihode koje je stranka ostvarila iz budžeta, kao i finansiranja izborne kampanje u skladu sa poglavljem 15 Izbornog zakona Bosne i Hercegovine.

4. PRETHODNE KONTROLE I REVIZIJE

U prethodnom periodu izvršena je revizija godišnjeg finansijskog izvještaja Evropske ekološke stranke E-5 za 2005.godinu, a potom pregledi godišnjih finansijskih izvještaja u periodu od 2006. do 2009. godine, nakon kojih su izdati revizijski izvještaji sa nalazima revizije i preporukom da stranka treba postupati u skladu sa odredbama člana 5. stav (1), člana 6. i člana 11 stav (1) i (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2010. godinu, utvrđeno je da ova politička stranka nije ispoštovala preporuke u vezi odredbe člana 11. stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

- a) **Pregledom godišnjeg finansijskog izvještaja političke stranke i kontrolom finansijske dokumentacije, pribavljene iz drugih izvora, utvrđeno je da je Evropska ekološka stranke E-5 prekršila odredbu člana 8. stav (1) Zakona o finansiranju političkih stranaka.¹**

Općinski odbor Evropske ekološke stranke E-5 Bosanska Krupa je bez naknade koristio poslovni prostor, koji je u vlasništvu općine Bosanska Krupa.

¹Državni, entitetski i kantonalni organi, organi Brčko distrikta Bosne i Hercegovine, organi opštinskih i mjesnih zajednica, javne institucije, javna preduzeća, humanitarne organizacije, anonimni donatori, vjerske zajednice, kao i pravna lica u kojima uloženi javni kapital iznosi najmanje 25% ne mogu da finansiraju političke stranke..

Općinsko vijeće Bosanska Krupa je Odlukom broj: 01/V-02-3476-11-1/09 od 17.11.2009. godine ovoj političkoj stranci dodijelilo na korištenje dvije kancelarije u zgradi Općine Bosanska Krupa i istom odlukom je oslobodilo od plaćanja zakupnine.

b) Stranka nije ispoštovala odredbu člana 11. stav (1) Zakona o finansiranju političkih stranaka, je nije uspostavila tačne evidencije o svojim prihodima, rashodima i obavezama.²

- U poslovnim knjigama, a također i u godišnjem finansijskom izvještaju za 2010. godinu, koji je podnijela Centralnoj izbornoj komisiji Bosne i Hercegovine, stranka je iskazala obaveze prema dobavljačima u iznosu od 21.735,32 KM i to: obaveze koje su dospjele za plaćanje u 2004. godini u iznosu od 156,86 KM, u 2005. godini u iznosu od 5.916,26 KM, u 2006. godini u iznosu od 3.325,81 KM, u 2007. godini u iznosu od 3.220,97 KM, u 2008. godini u iznosu od 3.170,51 KM, u 2009. godini u iznosu od 3.175,41 KM, dok obaveze koje su nastale u 2010. godini i za plaćanje dospjele 31.12. iste godine iznose 2.796,50 KM.
- Evropska ekološka stranke E-5 u poslovnim knjigama, a također i u finansijskom izvještaju, je iskazala obaveze po pozajmicama tri fizička lica u iznosu od 31.500,00 KM. Rok za povrat pozajmice u iznosu od 16.000,00 KM, kako navodi politička stranka, je istekao 2003. godine, rok za povrat pozajmice u iznosu od 12.000,00 KM istekao je 2006. godine, dok je rok za povrat pozajmice u iznosu od 3.500,00 KM istekao 2007. godine.

Obzirom na starosnu strukturu obaveza, sasvim je izvjesno da je Evropska ekološka stranke E-5 nerealno iskazala obaveze i prema davaocima zajma i prema dobavljačima. Samim time što iz svojih evidencija nije isknižila obaveze za koje ne postoji realni osnov za njihovo plaćanje, stranka je izbjegla da iskaže dio svojih prihoda.

Troškovi izborne kampanje

Evropska ekološka stranka E-5 je postupila u skladu sa odredbama člana 15.10 Izbornog zakona Bosne i Hercegovine, odnosno ispoštovala je zakonom propisani limit u vezi troškova izborne kampanje. U svrhu izborne kampanje stranka je potrošila 4.015,30 KM.

Prema odredbama člana 15.10 Izbornog zakona Bosne i Hercegovine, politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija Bosne i Hercegovine. Prema podacima Centralne izborne komisije Bosne i Hercegovine, Evropska ekološka stranka E-5 je u svrhu izborne kampanje mogla potrošiti 933.952,78 KM.

² U skladu sa odredbom člana 11. stav (1) Zakona o finansiranju političkih stranaka, političke stranke su obavezne voditi potpune i tačne evidencije o svojim prihodima i rashodima.

³ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije Bosne i Hercegovine, članove Parlamentarne skupštine Bosne i Hercegovine, člana Predsjedništva Bosne i Hercegovine i predsjednika i potpredsjednike Republike Srpske, odnosno 20 feninga za izbore za članove kantonalnih skupština.

5.2. PREPORUKE :

Preporučuje se Evropskoj ekološkoj stranci E-5 da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da se ne finansira iz izvora, koji su članom 8. ovog Zakona zabranjeni političkim strankama,*
- *da izvrši usaglašavanje svojih obaveza sa povjeriocima, kako davaocima pozajmica, tako i sa dobavljačima, te sačini odgovarajuće knjigovodstvene isprave na osnovu kojih će iz poslovnih knjiga izvršiti isknjižavanje nepostojećih obaveza,*
- *da vodi potpune i tačne evidencije o svojim prihodima i rashodima u skladu sa odredbom člana 11. stav (1) Zakona o finansiranju političkih stranaka.*

KOMENTAR

Evropska ekološka stranka E-5 je u roku, koji joj je ostavljen za očitovanje na nalaze revizije navedene u Preliminarnom izvještaju o pregledu godišnjeg finansijskog izvještaja za 2010. godinu, dostavila dopunjen obrazac 5. (Pozajmice krediti i dugovi), u kome je navela obaveze političke stranke, skupa sa nazivima povjerilaca, datumima nastanka obaveza i datumima kada su iste trebale biti plaćene.

Prilikom izdavanja konačnog izvještaja revizije, Služba za reviziju je imala u vidu nove dokaze koje je stranka dostavila i iste je ugradila u konačan Izvještaj o pregledu godišnjeg finansijskog izvještaja Evropske ekološke stranke E-5 za 2010. godinu.

Mr. Hasida Gušić, šef Službe za reviziju - revizor